

2019 Rhif 53 (Cy. 18)

TRAFFIG FFYRDD, CYMRU

**Gorchymyn Cefnffordd yr A48
(Cylchfan Cross Hands i Gylchfan
Pont Abraham, Sir Gaerfyrddin)
(Gwaharddiadau a Chyfyngiadau
Traffig Dros Dro) 2019**

Gwnaed 4 Ionawr 2019

Yn dod i rym 14 Ionawr 2019

Mae Gweinidogion Cymru, sef yr awdurdod traffig ar gyfer y darnau perthnasol o Gefnffordd yr A48, wedi eu bodloni y dylid cyfyngu ar draffig a/neu ei wahardd ar ddarnau penodedig o'r gefnffordd oherwydd gwaith y bwriedir ei wneud ar y ffordd neu gerllaw iddi.

Mae Gweinidogion Cymru, felly, drwy arfer y pwerau a roddir iddynt gan adran 14(1), (4) a (7) o Ddeddf Rheoleiddio Traffig Ffyrdd 1984(1), yn gwneud y Gorchymyn hwn.

Enwi, Cychwyn a Dehongli

1. Enw'r Gorchymyn hwn yw Gorchymyn Cefnffordd yr A48 (Cylchfan Cross Hands i Gylchfan Pont Abraham, Sir Gaerfyrddin) (Gwaharddiadau a Chyfyngiadau Traffig Dros Dro) 2019 a daw i rym ar 14 Ionawr 2019.

(1) 1984 p.27; amnewidiwyd adran 14 gan adran 1(1) o Ddeddf Traffig Ffyrdd (Cyfyngiadau Dros Dro) 1991 (p.26), ac Atodlen 1 iddi. Yn rhinwedd O.S. 1999/672, ac adran 162 o Ddeddf Llywodraeth Cymru 2006 (p.32) a pharagraff 30 o Atodlen 11 iddi, mae'r pwerau hyn yn arferadwy bellach gan Weinidogion Cymru o ran Cymru.

2.—(1)Yn y Gorchymyn hwn:

ystyr “cerbyd esempt” (“*exempted vehicle*”) yw:

- (a) unrhyw gerbyd sy'n cael ei ddefnyddio at y dibenion a ddisgrifir yn adran 87 o Ddeddf Rheoleiddio Traffig Ffyrdd 1984(2) neu mewn cysylltiad â'r gwaith sy'n arwain at y Gorchymyn hwn;
- (b) unrhyw gerbyd sy'n cael ei ddefnyddio at ddibenion y llynges, y fyddin neu'r llu awyr ac sy'n cael ei yrru gan berson sydd am y tro yn ddarostyngedig i orchmynion aelod o luoedd arfog y Goron, sy'n aelod o'r lluoedd arbennig—
 - (i) ac sydd wedi ei hyfforddi i yrru ar gyflymderau uchel ac sy'n gweithredu wrth ymateb, neu wrth ymarfer ymateb, i argyfwng diogelwch gwladol; neu
 - (ii) at ddiben hyfforddi person i yrru cerbydau ar gyflymderau uchel;

ystyr “cyfnod y gwaith” (“*works period*”) yw cyfnodau ysbeidiol sy'n dechrau am 00:01 o'r gloch ar 14 Ionawr 2019 ac sy'n dod i ben pan gaiff yr arwyddion traffig dros dro ar gyfer pob cyfnod o'r gwaith eu symud ymaith;

ystyr “y gefnffordd” (“*the trunk road*”) yw'r darn o gefnffordd yr A48 Llundain i Abergwaun;

ystyr “lluoedd arbennig” (“*special forces*”) yw'r unedau hynny o'r lluoedd arfog y mae Cyfarwyddwr y Lluoedd Arbennig yn gyfrifol am gynnal eu galluedd neu sydd am y tro yn ddarostyngedig i reolaeth weithredol y Cyfarwyddwr hwnnw

(2) Mae unrhyw gyfeiriad yn y Gorchymyn hwn at erthygl â rhif yn gyfeiriad at yr erthygl sy'n dwyn y rhif hwnnw yn y Gorchymyn hwn.

Gwaharddiadau a Chfyngiadau

3. Ni chaiff neb, yn ystod cyfnod y gwaith, yrru unrhyw gerbyd, na pheri na chaniatáu i unrhyw gerbyd, ac eithrio cerbyd esempt, fynd ar y darnau o'r gefnffordd a'r ffordd gyswllt a bennir yn Atodlen 1 i'r Gorchymyn hwn.

(2) Diwygiwyd adran 87 gan baragraff 55 o Atodlen 1 i Ddeddf y Gwasanaethau Tân ac Achub 2004 (p.21), paragraff 42 o Atodlen 4 i Ddeddf Troseddu Cyfundrefnol Difrifol a'r Heddlu 2005 (p. 15), paragraff 29(2) o Atodlen 8 i Ddeddf Troseddu a'r Llysoedd 2013 (p.22) ac adran 50(4) a (5) o Ddeddf Dadreoleiddio 2015 (p. 20).

4. Ni chaiff neb, yn ystod cyfnod y gwaith, yrru unrhyw gerbyd, na pheri na chaniatáu i unrhyw gerbyd fynd, yn gyflymach na 50 milltir yr awr ar y darnau o'r cefnffyrdd a bennir yn Atodlen 2 i'r Gorchymyn hwn.

5. Ni chaiff neb, yn ystod cyfnod y gwaith, yrru unrhyw gerbyd, na pheri na chaniatáu i unrhyw gerbyd fynd, yn gyflymach na 40 milltir yr awr ar y darnau o'r cefnffyrdd a bennir yn Atodlenni 2 a 3 i'r Gorchymyn hwn.

6. Ni chaiff neb, yn ystod cyfnod y gwaith, yrru unrhyw gerbyd, na pheri na chaniatáu i unrhyw gerbyd fynd, yn gyflymach na 10 milltir yr awr ar y darnau o'r cefnffyrdd a bennir yn Atodlen 4 i'r Gorchymyn hwn.

7. Ni chaiff neb, yn ystod cyfnod y gwaith, ddefnyddio cerbyd na chaniatáu i gerbyd, ac eithrio cerbyd esempt, gael ei ddefnyddio yn y fath fodd fel ei fod yn goddiweddyd unrhyw gerbyd arall ar y darnau o'r cefnffyrdd a bennir yn Atodlen 4 i'r Gorchymyn hwn ar yr adegau hynny pan fo'r cyfyngiad y cyfeirir ato yn erthygl 6 mewn grym.

Atal Dros Dro

8. Mae unrhyw ddarpariaethau statudol sy'n cyfyngu ar gyflymder cerbydau ar y darnau o'r cefnffyrdd a bennir yn Atodlenni 2, 3 a 4 wedi eu hatal dros dro ar yr adegau hynny pan fo'r cyfyngiadau a bennir yn erthyglau 4, 5 a 6 yn weithredol.

Cymhwyso

9.—(1) Ni fydd y cyfyngiadau a'r gwaharddiadau yn erthyglau 3, 4, 5, 6 a 7 yn gymwys ond ar yr adegau hynny ac i'r graddau hynny y bydd arwyddion traffig yn eu dangos.

(2) Nid yw unrhyw derfyn cyflymder a osodir gan y Gorchymyn hwn yn gymwys i gerbyd esempt.

Cyfnod Para'r Gorchymyn hwn

10. Bydd y Gorchymyn hwn yn para am 18 mis ar y mwyaf.

Llofnodwyd o dan awdurdod Gweinidog yr Economi a Thrafnidiaeth, un o Weinidogion Cymru.

Dyddiedig

4 Ionawr 2019

Richard Morgan

Pennaeth Cynllunio, Rheoli Asedau a Safonau
Llywodraeth Cymru

YR ATODLENNI

ATODLEN 1

Gwahardd Cerbydau Dros Dro

1. Y darn cyfan o'r ffordd ymuno tua'r dwyrain wrth Gyfnewidfa Meadows Bridge sy'n ymestyn o farciau ildio'r gylchfan i'r dwyrain o Meadows Bridge hyd at ei drwyniad ffisegol â'r gerbyttfordd tua'r dwyrain.
2. Y darn cyfan o'r ffordd ymadael tua'r gorllewin wrth Gyfnewidfa Meadows Bridge sy'n ymestyn o'i drwyniad ffisegol â'r gerbyttfordd tua'r gorllewin hyd at farciau ildio'r gylchfan i'r gorllewin o Meadows Bridge.

ATODLEN 2

Terfynau Cyflymder 40 mya neu 50 mya Dros Dro

1. Y darn o'r gerbyttfordd tua'r dwyrain sy'n ymestyn o bwynt 128 o fetrau i'r de-ddwyrain o'i chyffordd â'r brif gerbyttfordd gylchredol wrth Gylchfan Cross Hands hyd at bwynt 600 o fetrau i'r gogledd-orllewin o'i chyffordd â'r brif gerbyttfordd gylchredol wrth Gylchfan Pont Abraham.
2. Y darn o'r ffordd ymuno tua'r dwyrain wrth Gyfnewidfa Meadows Bridge sy'n ymestyn o bwynt 77 o fetrau i'r dwyrain o farciau ildio'r gylchfan i'r dwyrain o Meadows Bridge hyd at ei drwyniad ffisegol â'r gerbyttfordd tua'r dwyrain.
3. Y darn o'r ffordd ymadael tua'r dwyrain wrth Gyfnewidfa Meadows Bridge sy'n ymestyn o'i drwyniad ffisegol â'r gerbyttfordd tua'r dwyrain hyd at bwynt 83 o fetrau i'r gorllewin o farciau ildio'r gylchfan i'r dwyrain o Meadows Bridge.
4. Y darn o'r gerbyttfordd tua'r gorllewin sy'n ymestyn o'i chyffordd â phrif gerbyttfordd gylchredol Cylchfan Pont Abraham hyd at bwynt 128 o fetrau i'r dwyrain o'i chyffordd â'r brif gerbyttfordd gylchredol wrth Gylchfan Cross Hands.
5. Y darn o'r ffordd ymuno tua'r gorllewin wrth Gyfnewidfa Meadows Bridge sy'n ymestyn o bwynt 83 o fetrau i'r gorllewin o farciau ildio'r gylchfan i'r gorllewin o Meadows Bridge hyd at ei drwyniad ffisegol â'r gerbyttfordd tua'r gorllewin.

6. Y darn o'r ffordd ymadael tua'r gorllewin wrth Gyfnewidfa Meadows Bridge sy'n ymestyn o'i drwyniad ffisegol â'r gerbyttfordd tua'r gorllewin hyd at bwynt 78 o fetrau i'r dwyrain o farciau ildio'r gylchfan i'r gorllewin o Meadows Bridge.

ATODLEN 3

Terfyn Cyflymder 40 mya Dros Dro

Y darn o'r gerbyttfordd tua'r dwyrain sy'n ymestyn o bwynt 600 o fetrau i'r gogledd o Gylchfan Pont Abraham hyd at ei chyffordd â'r brif gerbyttfordd gylchredol wrth Gylchfan Pont Abraham.

ATODLEN 4

Terfyn Cyflymder 10 mya Dros Dro a Dim Goddiweddyd

1. Y darn o'r gerbyttfordd tua'r dwyrain sy'n ymestyn o'i chyffordd â'r brif gerbyttfordd gylchredol wrth Gylchfan Cross Hands hyd at ei chyffordd â'r brif gerbyttfordd gylchredol wrth Gylchfan Pont Abraham.

2. Y darn o'r ffordd ymuno tua'r dwyrain wrth Gyfnewidfa Meadows Bridge sy'n ymestyn o farciau ildio'r gylchfan i'r dwyrain o Meadows Bridge hyd at ei drwyniad ffisegol â'r gerbyttfordd tua'r dwyrain.

3. Y darn o'r ffordd ymadael tua'r dwyrain wrth Gyfnewidfa Meadows Bridge sy'n ymestyn o'i drwyniad ffisegol â'r gerbyttfordd tua'r dwyrain hyd at farciau ildio'r gylchfan i'r dwyrain o Meadows Bridge.

4. Y darn o'r gerbyttfordd tua'r gorllewin sy'n ymestyn o'i chyffordd â'r brif gerbyttfordd gylchredol wrth Gylchfan Pont Abraham hyd at ei chyffordd â'r brif gerbyttfordd gylchredol wrth Gylchfan Cross Hands.

5. Y darn o'r ffordd ymuno tua'r gorllewin wrth Gyfnewidfa Meadows Bridge sy'n ymestyn o'r marciau ildio i'r gorllewin o Meadows Bridge hyd at ei drwyniad ffisegol â'r gerbyttfordd tua'r gorllewin.

6. Y darn o'r ffordd ymadael tua'r gorllewin wrth Gyfnewidfa Meadows Bridge sy'n ymestyn o'i drwyniad ffisegol â'r gerbyttfordd tua'r gorllewin hyd at farciau ildio'r gylchfan i'r gorllewin o Meadows Bridge.